

ХФР

1918-йил
21-йундан чиқа
бoshlagan

№29, 2022-йил
20-йул, chorshanba
(32.723)

O'zbekiston O'VOZI

Ijtimoiy-siyosiy gazeta

Barchaga g'amxo'rlik — davlatning burchi

ЎЗБЕКИСТОН ПРЕЗИДЕНТИ МАРКАЗИЙ ОСИЁ ДАВЛАТЛАРИ РАЎБАРЛАРИНИНГ САММИТИДА ИШТИРОК ЭТАДИ

Ўзбекистон Республикаси Президенти Шавкат Мирзиёев Қирғиз Республикаси Президенти Садир Жапаровнинг таклифига биноан 21 июль куни Марказий Осиё давлатлари раҳбарларининг навбатдаги Маслаҳат учрашувида иштирок этиш учун Қирғизистоннинг Чўлпонота шаҳрига ташриф буюради.

Қирғизистон раислигида ўтадиган саммит ишида Қозоғистон Республикаси, Тожикистон Республикаси ва Туркманистон Президентлари ҳам иштирок этиши кутилмоқда.

Минтақа мамлакатлари етакчиларининг учрашуви кун тартибидан турли йўналишларда, шу жумладан, савдо, транспорт ва логистика, саноат кооперацияси, инновациялар, озиқ-овқат хавфсизлиги, туризм, маданий-гуманитар алмашинув соҳаларида амалий ҳамкорликни янада кенгайтириш масалалари ўрин олган.

Алоҳида эътибор Марказий Осиёнинг барқарорлиги ва изчил тараққиётга замонавий таҳдид ва хатарларга биргаликда қарши туриш борасидаги ҳамкорликни мустаҳкамлашга қаратилади.

Саммит якунида бир қатор муҳим кўп томонлама ҳужжатлар қабул қилиниши кўзда тутилган.

Таъкидлаш лозимки, Марказий Осиё давлатлари раҳбарларининг Маслаҳат учрашувларини ўтказиш ташаббуси Ўзбекистон Республикаси Президенти Шавкат Мирзиёев томонидан 2017 йилда Бирлашган Миллатлар Ташкилоти Бош ассамблеясининг 72-сессиясида илгари сурилган эди.

Минтақа етакчиларининг биринчи саммити 2018 йил март ойида Нур-Султон шаҳрида, иккинчиси 2019 йил ноябрда Тошкент шаҳрида, учинчиси ўтган йилнинг август ойида Туркманистондаги "Аваза" миллий сайёҳлик зонасида бўлиб ўтган.

ЎзА.

ЎЗБЕКИСТОН ПРЕЗИДЕНТИ ГРУЗИЯ БОШ ВАЗИРИ БИЛАН АМАЛИЙ ҲАМКОРЛИКНИ КЕНГАЙТИРИШ ЙЎЛЛАРИНИ МУҲОКАМА ҚИЛДИ

Ўзбекистон Республикаси Президенти Шавкат Мирзиёев 19 июль куни расмий ташриф билан мамлакатимизда бўлиб турган Грузия Бош Вазيري Ираклий Гарибашвилини қабул қилди.

Учрашувда икки мамлакат ўртасидаги амалий ҳамкорликка доир, энг аввало, транспорт ва логистика, савдо, саноат кооперацияси соҳаларида қўшма лойиҳа ва дастурларни илгари суриш истиқболлари кўриб чиқилди.

Транзит салоҳиятини, шу жумладан, мамлакатимиз юкларини ташишда Поти ва Батуми портлари инфраузилмасини самарали ишга солиш масалаларига алоҳида эътибор қаратилди.

Ўзбекистон ва Грузия ҳудудидаги эркин саноат зоналарида яратилган қулай шароитларни ҳисобга олган ҳолда тўқимачилик, электротехника, озиқ-овқат, фармацевтика ва бошқа тармоқларда қўшма лойиҳаларни амалга ошириш учун имкониятлар мавжудлиги кўрсатиб ўтилди.

Бундан ташқари, маданий-гуманитар алмашинувни фаоллаштириш ва сайёҳлар оқими оширишдан иккала томон ҳам манфаатдор экани қайд этилди.

Икки томонлама Ҳукуматлараро комиссиянинг навбатдаги йиғилишини ўтказиш ҳамда ўзаро манфаатли ҳамкорликни янада кенгайтириш бўйича "йўл харитаси"ни қабул қилишга келишиб олинди.

ЎзА.

ЎЗБЕКИСТОН ПРЕЗИДЕНТИ ВА ЭРОН ВИЦЕ-ПРЕЗИДЕНТИ ҚЎШМА ИННОВАЦИЯ ДАСТУРЛАРИНИ АМАЛГА ОШИРИШ ИСТИҚБОЛЛАРИНИ КЎРИБ ЧИҚДИЛАР

Ўзбекистон Республикаси Президенти Шавкат Мирзиёев 19 июль куни мамлакатимизда амалий ташриф билан бўлиб турган Эрон Исломи Республикаси вице-президенти Сорена Сатторийни қабул қилди.

Кўп қиррали Ўзбекистон – Эрон муносабатларини янада кенгайтириш масалалари кўриб чиқилди. Фан, инновация ва технологиялар соҳасида қўшма дастур ва лойиҳаларни илгари суришга алоҳида эътибор қаратилди.

Учрашув аввалида Сорена Сатторий давлатимиз раҳбарига Эрон Президенти Иброҳим Раисийнинг саломини ва энг эзгу тилаларини етказди.

Кейинги йилларда икки томонлама мулоқотлар ва ўзаро алмашинувларнинг фаоллашуви кузатилаётгани мамнуният билан қайд этилди. Савдо кўрсаткичлари ва кооперация лойиҳалари сони ҳам ортиб бормоқда. Ўтган йили товар айирбошлаш 73 фоизга, жорий йил бошидан эса яна 22 фоизга ошди.

Қўшма илмий-амалий тадқиқотлар ўтказиш борасидаги амалий ҳамкорликни кенгайтириш, изланиш ишлари ва венчур ташаббусларини молиялаштиришга хусусий секторни жалб қилиш, олий таълим муассасалари ўртасидаги дастурларни қўллаб-қувватлаш, био- ва нанотехнологиялар, IT соҳаларида, фармацевтика ва бошқа тармоқларда қўшма лойиҳаларни амалга ошириш учун мавжуд имкониятлар қайд этилди.

Келажақда, шу жумладан, бўлажак Ўзбекистон – Эрон инновация форуми ва ишбилармонлик тадбирлари доирасида қабул қилинадиган қўшма қарорлар ва имзоланадиган битимларни амалга ошириш бўйича "йўл харитаси"ни қабул қилиш юзасидан келишувга эришилди.

ЎзА.

СЎХДА ЯНГИ ЎЗБЕКИСТОН НАФАСИ



ЎЗБЕКИСТОННИНГ ҲАР БИР ҲУДУДИДА ЯНГИ ТАРИХ ЯРАТИЛМОҚДА. ЭНГ ЧЕККА СЎХ ТУМАНИДА ҲАМ БУНИ ЯҚҚОЛ КЎРИШ МУМКИН.

СЎНГИ БЕШ ЙИЛДА СЎХГА ҚАРИЙБ БИР ТРИЛЛИОН, ЖУМЛАДАН, 2021-2022 ЙИЛЛАРДА 500 МИЛЛИАРД СЎМ АЖРАТИЛДИ. ЗАМОНАВИЙ УЙ-ЖОЙЛАР, ШИФОХОНА,

МАКТАБЛАР ҚУРИЛДИ, ЯНГИ ЙЎЛЛАР ОЧИЛДИ.

2022 йилда сўх туманини ижтимоий-иқтисодий ривожлантириш дастури асосида 39 та инвестиция лойиҳаси доирасида 3 миллион 400 минг долларлик тўғридан-тўғри инвестиция ўзлаштирилиши мақсад қилинган.

БУ ЙИЛ ЯКУНИ БИЛАН ТУМАНДА ИЧИМЛИК СУВ ТАЪМИНОТИ 100 ФОИЗГА ЕТКАЗИЛАДИ. БУНИНГ УЧУН 30 ТА СУВ ИНШООТИ ҚУРИЛИШИ ВА РЕКОНСТРУКЦИЯ ҚИЛИНИШИ, 274 КИЛОМЕТР ИЧИМЛИК СУВИ ТАРМОҚЛАРИ ТУРТИЛИШИ РЕЖАЛАШТИРИЛГАН.

ЎзА.

СИФАТЛИ ОЗИҚ-ОВҚАТ МАҚСУЛОТЛАРИ ЕТИШТИРИШ – БАРҚАРОР БОЗОР ИҚТИСОДИЁТИ ГАРОВИДИР!

Маълумки, дунёда озиқ-овқат танқислиги кучайиб бормоқда. Экспортга қўйилаётган чекловлар ва транспорт-логистикадаги узилишлар муаммоларни янада чуқурлаштирмоқда. Таҳлилларга кўра, жорий йилда дунёда озиқ-овқат маҳсулотлари нархи камида 20 фоизга ўсиши прогноз қилинмоқда. Бозордаги нархларнинг кескин ўзгариб туриши, аҳоли ўртасида норозиликларга сабаб бўлгани ҳам аниқ ҳақиқатдир. Бироқ, дунёда бўлаётган вазият беихтиёр бизнинг иқтисодиётимизга ҳам ўзининг таъсирини ўтказмай қолмайди. Мамлакатимизда аҳоли даромадининг қарийб 40-50 фоизи озиқ-овқатга сарфланади.

Мамлакатимиз Президенти Шавкат Мирзиёев раислигида озиқ-овқат маҳсулотлари етиштириши ва аҳоли даромадларини кўпайтириш масалалари бўйича куни кеча бўлиб ўтган видеоселектор йиғилишида ҳам айнан шулар хусусида батафсил фикр юритилди.

4 САҲИФА

ДАВЛАТ ХАРИДЛАРИ ВА ШАФФОФЛИК

"ЎЗКИМЁИМПЕК" КОРҲОНАСИ 14 ИЮЛЬ КУНИ ПОЛИПРОПЕЛИН ҚОПЛАРИНИНГ БИР ДОНАСИНИ 79 МИНГ 728 СЎМДАН 10 МИНГ ДОНА СOTИБ ОЛИШИ УЧУН 797 МИЛЛИОН 280 МИНГ СЎМЛИК МАБЛАҒ САРФЛАГАН. КОРҲОНА ШУ КУННИНГ ЎЗИДА ЯНА 300 МИНГ ДОНА ҚОПНИНГ ҲАР БИРИНИ 3 МИНГ 264 СЎМДАН СOTИБ ОЛИШ УЧУН 979 МИЛЛИОН 200 МИНГ СЎМ САРФЛАГАН.

6 САҲИФА

